



## **Magnum Bullarium Romanum, Seu Ejusdem Continuatio**

Quæ Supplementi loco sit, tum huicce, tum aliis quæ præcesserunt  
Editionibus, Romanæ, & Lugdunensi ...

Ab Alexandro VII. Ad Clementem X.

**Luxemburgi, MDCCXLII.**

C. Concedit Conventum B. Petri de Nolasco Terræ Rocca di Papa Diœcesis  
Tusculanæ Fratribus B. Mariæ de Mercede Redemptionis Captivorum.

---

[urn:nbn:de:hbz:466:1-74833](https://nbn-resolving.org/urn:nbn:de:hbz:466:1-74833)

innovatis. Quibus omnibus, & singulis illorum tenores presentibus pro plenè, & sufficienter expressis habentes, illis aliàs in suo robore permanentibus, ad præmissorum effectum specialiter, & expresse derogamus, cæterisque contrariis quibuscumque.

Dat. P. A. S.  
die 9. Aug.

Datum Romæ apud Sanctam Mariam Majorem sub Annulo Piscatoris, die 9. Augusti 1660. Pontificatus Nostri Anno sexto.

XCIX.

Constitutio super Habitu Prælatitio ab Abbatibus Generalibus Congregation. Olivetanæ deferendo.

Edita An. D.  
1660.

ALEXANDER EPISCOPUS.

*Seruus Servorum Dei. Ad futuram rei memoriam.*

Exordium.

**D**Ecet Romanum Pontificem ad ea, per quæ personarum Ecclesiasticarum quarumlibet præsertim Congregationum Monasticarum regimini, & administrationi, ac ornamento, divinique cultus celebritati, & decori consulitur libenter intendere, ac in illis Pastoralis Officii sui partes favorabiliter interponere, prout locorum, & personarum hujusmodi circumstantiis debite pensatis, ad devotionis Christi fidelium augmentum, & propagationem, necnon Altissimi laudem prospicit in Domino salubriter expedire.

Motiva hujus Constit.

§. 1. Exhibita siquidem Nobis Nuper pro parte dilecti Filii Angeli Mariæ Torelli Romani Monachi Ordinis Congregationis Olivetanæ expresse professi Monasterii Sanctæ Mariæ Novæ nuncupatæ de Urbe Provinciæ Neapolitan. & moderni ejusdem Congregationis Abbatis Generalis petitio continebat, Quod cum inter Congregationes Monachorum Italiæ Congregatio Olivetana Ordinis Sancti Benedicti celebris, ac à Sede Apostolica pluribus favoribus, & gratiis decorata existat, illiusque Abbas Generalis Mitra, baculo, & annulo pastoralibus, cæterisque Pontificalibus insigniis utatur, potiatur, & gaudeat, plurimum tamen decori, & dignitati Abbatis Generalis ejusdem Congregationis videretur convenire, ipsum & successores suos pro tempore existentes Abbates Generales à Nobis, & Sede præfata aliqua digniori prærogativa decorari, & illustrari.

§. 2. Quare pro parte dicti Angeli Mariæ moderni ejusdem Congregationis Abbatis Generalis fuit Nobis humiliter supplicatum quatenus ejusdem Congregationis Olivetanæ, ejusque Abbatum Generalium pro tempore existentium decori consulere, aliasque in præmissis opportunè providere de benignitate Apostolica dignaremur. Nos igitur, qui Ecclesiarum quarumlibet, & Congregationum decorem, divinique cultus augmentum nostris potissimum temporibus ubique augeri sinceris desideramus affectibus eundem Angelum Mariam Modernum Abbatem Generalem, & successores suos pro tempore existentes Abbates Generales prædictos, ac eorum quemlibet à quibusvis excommunicationis suspensionis, & interdicti, aliisque Ecclesiasticis sententiis, censuris, & pœnis, si quibus quomodolibet innodati existunt, ad effectum presentium dumtaxat consequendum, harum serie absolventes, & absolutos fore censentes hujusmodi supplicationibus inclinati, ac honestis votis ipsius Angeli Mariæ hac in parte, favorabiliter annuentes eidem Angelo Mariæ Moderno ejusdem Congregationis Abbati Generali ejusque successoribus Abbatibus Generalibus pro tempore existentibus prædictis, ut de cætero perpetuis futuris temporibus tam in Romana Curia, quam extra eam, ac ubique locorum, ubi dictum Angelum Mariam, & pro tempore existentes Abbates Generales præfatos pro tempore residere, & morari contigerit, ac in quibusvis Vi-

sitationibus, Capitulis, & Sessionibus, necnon quibusvis actibus, & processibus etiam coram Nobis, & successoribus nostris Romanis Pontificibus etiam in Capellis Pontificiis Mozzettam, & Mantelletam coloris Habitus ipsius Congregationis Olivetanæ una cum pileo, & bireto Prælatiis induere, gestare, & deferre, illisque uti, frui, & gaudere liberè, & licitè possit, & valeat, ac possint, & valeant Apostolica auctoritate tenore presentium perpetuò concedimus, & indulgemus, plenamque, & liberam facultatem, & auctoritatem desuper impartimur.

Concedit  
Habitu  
Prælatium

§. 3. Decernentes ipsum Angelum Mariam, & successores suos pro tempore existentes Abbates Generales prædictos super delatione, gestatione, & usu Mozzettæ, Mantelletæ, Pilei, & Bireti præfatorum à quoquam sub quovis prætextu, vel causa, & occasione nullatenus impediri posse presentes quoque semper, & perpetuò validas, & efficaces esse & fore, suosque plenarios, & integros effectus sortiri, & obtinere debere, nec sub quibusvis similibus, vel dissimilibus gratiarum revocationibus, suspensionibus, aut aliis contrariis dispositionibus comprehendendi, sed semper ab illis excipi, & quoties illæ emanabunt toties presentes in pristinum, & validissimum statum restitutas, repositas, & plenariè reintegratas, ac de novo sub quacumque posteriori data per Angelum Mariam, & Successores præfatos Abbates Generales pro tempore existentes quancumque eligenda concessas esse, & fore. Sicque per quoscumque Judices ordinarios, & Delegatos etiam Causarum Palatii Apostolici Auditores, & S. R. Eccl. Cardinales, etiam de latere Legatos, Vicelegatos, & Sedis præfate Nuncios judicari, & definiri debere, irritum quoque, & inane, quidquid secus super his à quoquam quavis auctoritate, scienter, vel ignoranter contigerit attentari.

Decretum  
irritans.

§. 4. Non obstantibus quibusvis etiam in Synodalibus, & Provincialibus, ac Generalibus Conciliis editis, vel edendis specialibus, vel generalibus Constitutionibus, & Ordinationibus Apostolicis, necnon Ordinis & Congregationis Olivetanæ hujusmodi juramento confirmatione Apostolica, vel quavis firmitate alia roboratis statutis, & consuetudinibus, cæterisque contrariis quibuscumque.

Contrariis  
derogat.

§. 5. Nulli ergò hominum liceat hanc paginam nostræ absolutionis, concessionis, indulti, impartitionis, & Decreti infringere, vel ei ausu temerario contraire. Si quis autem hoc attentare præsumpserit indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum in Arce Gandulphi Diocesis Albanen. Anno Incarnationis Dominicæ Millesimo Sexcentesimo Sexagesimo, Quinto Idibus Octob. Pontificatus Nostri Anno sexto.

Dat. P. An. 6.  
die 12. Oct.

Concedit Conventum B. Petri de Nolasco Terræ Rocca di Papa Diocesis Tusculanæ Fratribus B. Mariæ de Mercede Redemptionis Captivorum.

C.

*De hoc Conventu vide infra ad Constit. 118. Alias, Ubi declaratur controversia exorta inter Procuratorem, & Vicarium Generalem ejusdem Ordinis.*

ALEXANDER PAPA VII.

Edita A. D.  
1660.

*Ad perpetuam rei memoriam.*

**A**D sacrosancti Apostolatus apicem, nullo licet meritum nostrorum suffragio per ineffabilem Divinæ bonitatis abundantiam evecti, muneris nostri esse arbitramur, ut Congregatio-

Exordium.

nes

nes virorum sub suavi arctioris Religionis jugo Altissimi obsequiis mancipatorum in Ecclesia Dei pie, sancteque instituta paternae benignitate profectus, felicibus earum incrementis quantum Nobis ex alto conceditur, consulere studeamus.

Cōcedit pro-  
ut in Rub.

§. 1. Volentes itaque Congregationi Fratrum Discalceatorum Reformatorum nuncupatorum Ordinis Beatæ Mariæ de Mercede Redemptionis Captivorum gratiam facere specialem, Conventum B. Petri de Nolasco, olim Fratrum d. Ordinis in Terra Roccha di Papa nuncupatum Tusculan. Diocesis positum cum illius Ecclesia, ac bonis, & oneribus univèrsis prædictæ Congregationis Fratrum Discalceatorum, itaque Conventus hujusmodi de cætero Conventui S. Joannis de Urbe ejusdem Congregationis sub obedientia dilecti filii Procuratoris Generalis ipsius Congregationis, qui in dicto Conventu S. Joannis residere solet, subiaceat, & dictus Procurator Generalis Superiorem, & familiam sex saltem Presbyterorum, & duorum Conventorum Fratrum Discalceatorum Reformatorum Congregationis hujusmodi in primodicto Conventu collocare debeat, ipsique Procuratori Generali liceat per se, vel alium, seu alios memoratæ Congregationis nomine corporalem, realem, & actualem possessionem, seu quasi possessionem primodicti Conventus, ejusque Ecclesiæ, ac bonorum, reddituum, proventuum, pertinentiarum, & jurium univèrsorum propria auctoritate apprehendere, & apprehensam perpetuo retinere, Diocesani loci, & cujusvis alterius licentia super hoc minime requisita auctoritate Apostolica, tenore præsentium perpetuo applicamus, & appropriamus.

Decretum ir-  
ritans.

§. 2. Decernentes easdem præsentem literas semper firmas, validas, & efficaces existere, & fore, suosque plenarios, & integros effectus sortiri & obtinere, ac illis ad quos spectat, & pro tempore spectabit, plenissime suffragari; Sicque in præmissis per quoscumque Judices ordinarios, & delegatos, etiam causarum Palatii Apostolici Auditores judicari, & definiri debere, ac irritum, & inane, si secus super his à quoquam quavis auctoritate scienter, vel ignoranter conuergit attentari.

Contrariis  
derogat.

§. 3. Non obstantibus quatenus opus sit nostra & Cancellariæ Apostolicæ Regula de perpetuis applicationibus quorumcumque bonorum, & fructuum Ecclesiasticorum committendis ad partes vocatis quorum interest, exprimendoque in illis vero annuo valore secundum communem æstimationem, ac Lateranensis Concilii novissime celebrati uniones perpetuas nisi in casibus à jure permixtis fieri prohibentibus, aliisque Constitutionibus, & Ordinationibus Apostolicis, necnon prædictorum Ordinis, Congregationis, & Conventuum, aliisque quibusvis etiam juramento, confirmatione Apostolica, vel quavis firmitate alia roboratis statutis, & consuetudinibus, privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plenè, & sufficienter expressis habentes, illis aliàs in suo robore mansuris ad præmissorum effectum hac vice dumtaxat specialiter, & expresse derogamus, cæterisque contrariis quibuscumque.

Dat. P. An. 6.  
die 15. Oct.

Datum in Arce Gandulphi Diocesis Albanen. sub Annulo Piscatoris die 15. Octob. 1660. Pontificatus nostri Anno sexto.

CI.

Confirmat Decretum Sac. Congregationis Regul. quod Fratres Ordinis B. Mariæ de Mercede Redemptionis Captivorum possint sibi eligere Judicem Conservatorem.

Circa Electionem Conservatorum vide ad Constit. Gregor. XV. Sanctissimus.

Bullarium Romanum. Tom. VI.

ALEXANDER PAPA VII.

Edita An. D.  
1660.

Ad futuram rei memoriam.

Alia pro parte dilecti filii Francisci de la Rosa Vicarii Generalis Italiæ, & Siciliæ, & Procuratoris Generalis totius Ordinis Fratrum Beatæ Mariæ de Mercede Redemptionis Captivorum Congregationi Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositæ exposito quod licet eidem Ordini amplissima communicatio privilegiorum quibus alii Ordines Mendicantes fruuntur à fel. rec. Leone X. ac Clemente VII. & Sixto V. Romanis Pontificibus prædecessoribus nostris concessa reperiretur, & inter alia privilegia hujusmodi eidem Ordinibus indulta esset facultas eligendi Judices Conservatores qui jura eorum tueantur, eosque ab injuriis, & violentiis defendant, Conservatorumque hujusmodi electio veniret sub communicatione privilegiorum sicut Congregatio ejusdem S. R. E. Cardinalium Concilii Tridentini Interpretum, die 12. Decemb. 1620. dicitur declarasse: nihilominus primodictus Ordo quando se offerebat occasio, aut necessitas prædictos Judices Conservatores eligendi varias patiebatur molestias, pluraque cogebatur sustinere gravamina pro stabilienda prædicta facultate Judices Conservatores eligendi cum magno præjudicio ipsius Ordinis, & gravissimo detrimento ejus jurium, ac pii operis Redemptionis Captivorum, quod ex proprio Instituto, ac speciali quarto solemnique voto administrat, & proficitur.

Motiva hu-  
jus const.

§. 1. Et propterea supplicato primodictæ Cardinalium Congregationi, ut declararet memorato Ordini B. Mariæ de Mercede Redemptionis Captivorum vigore communicationis privilegiorum supradictorum competere facultatem eligendi Judices Conservatores in casibus à jure, & per speciales Constitutiones Apostolicas permixtis, tam pro personis, rebus, & bonis ipsius Ordinis, quam pro præfato opere Redemptionis Captivorum: juxta tenorem Constitutionum rec. memor. Clementis PP. VIII. & Gregorii PP. XV. prædecessorum pariter nostrorum, necnon declarationis dictæ Congregationis, emanavit ab eadem Congregatione Cardinalium negotiis, & consultationibus Episcoporum, & Regularium præposita Decretum tenoris qui sequitur, vide licet.

§. 2. Sacra Congregatio Eminentissimorum S. R. E. Cardinalium negotiis, & consultationibus Episcoporum, & Regularium præposita, attentis narratis, & communicatione privilegiorum hujusmodi censuit, ejus vigore præfata Religioni B. Mariæ de Mercede Redemptionis Captivorum competere jus eligendi ser. ser. sibi Conservatorem, prout ei competere præsentis Decreti tenore declarat, & decernit, contrariis quibuscumque non obstant. ac super præmissis expediri Breve si Sanctissimo D. N. placuerit. Romæ 10. Septembris 1660. M. Card. Ginettus.

Decretum  
Sac. cong.

§. 3. Cum autem sicut dictus Franciscus Nobis nuper exponi fecit, ipse Decretum hujusmodi pro firmiori illius subsistentia Apostolicæ confirmationis nostræ robore communiri summo opere desideret: Nos ipsum Franciscum specialibus favoribus, & gratiis prosequi volentes, & à quibusvis excommunicationis, suspensionis, & interdicti, aliisque Ecclesiasticis sententiis, censuris, & poenis à jure, vel ab homine quavis occasione, vel causa latis si quibus quomodolibet innodatus existit, ad effectum præsentium dumtaxat consequen. harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinati. De-

M

cretum